



Broj: 02-11-1613/23-AP-6
Datum: 07.08.2023. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14 i 59/22), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/22 i 6/23) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Sanacija fasade na Gradskoj sportskoj dvorani - donja bočna strana“ Gradonačelnik Zavidovića, donosi

ODLUKU

Član 1.

Prihvata se preporuka Komisije za javne nabavke, te se Ponuda ponuđača „DKM GRADNJA“ d.o.o. MAGLAJ za javnu nabavku radova „Sanacija fasade na Gradskoj sportskoj dvorani - donja bočna strana“ sa ukupnom cijenom od 22.586,75 KM (slovima:dvadesetdvijehiljadepetstotinaosamdesetšest i 75/100 KM) bez uračunatog PDV-a, odnosno 26.426,50 KM (slovima: dvadesetšesthiljadačetritotinedvadesetšest i 50/100 KM) sa uračunatim PDV-om, prihvata kao NAJPOVOLJNIJA PONUDA.

Član 2.

Izabrani ponuđač ima obavezu dostavljanja dokumentacije propisane tenderskom dokumentacijom (u orginalu ili ovjerenoj kopiji) u roku 5 (pet) dana od dana prijema Odluke.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-1613/23-AP-2 od 11.07.2023. godine pokrenut je postupak dodjele ugovora za javnu nabavku radova „Sanacija fasade na Gradskoj sportskoj dvorani - donja bočna strana“, putem otvorenog postupka za koji je dana, 12.07.2023.godine upućeno Obavještenje broj 1374-1-3-131-3-110/23 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 02.07.2023. godine do 12,00 sati dostavljena je 1 (jedna) ponuda, i to ponuda grupe ponuđača: "DKM GRADNJA" d.o.o MAGLAJ i „DŽEVKOMERC INŽINJERING“ d.o.o. ZAVIDOVIĆI čiji je lider konzorcija "DKM GRADNJA" d.o.o MAGLAJ.

Komisija za javne nabavke zaprimila je pristiglu ponudu, izvršila njeno otvaranje, te izvršila pregled i ocijenu ponude prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je pristigla ukupno 1 (jedna) ponuda, da je blagovremeno zaprimljena i da je ista prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjele ponude, u skladu sa kriterijima iz tenderske dokumentacije.

Postupak e-aukcije nije se provodio s obzirom na činjenicu da je pristigla jedna ponuda, nakon čega je Komisija za javnu nabavku Grada Zavidovića dostavila Zapisnik o ocjeni ponuda broj: 02-11-1613/23-AP-2 od 04.08.2023. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	"DKM GRADNJA" d.o.o MAGLAJ i „DŽEVKOMERC INŽINJERING“ d.o.o. ZAVIDOVIĆI	22.586,75 KM

Ponuda ponuđača "DKM GRADNJA" d.o.o MAGLAJ u postupku javne nabavke radova „Sanacija fasade na Gradskoj sportskoj dvorani - donja bočna strana“, sa ukupnom cijenom od 22.586,75 KM (slovima:dvadesetdvijehiljadepetstotinaosamdesetšest i 75/100 KM) bez uračunatog PDV-a, odnosno 26.426,50 KM (slovima: dvadesetšesthiljadačetristotinedvadesetšest i 50/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.


Cijeneći pravilnost provedenog postupka dodjele ugovora o javnoj nabavci radova „Sanacija fasade na Gradskoj sportskoj dvorani - donja bočna strana“, te datu preporuku od strane Komisije za javne nabavke, odlučeno je kao u dispozitivu ove Odluke.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradio/la: 
(Sanela Mulahasanović)

Kontrolisao: 
(Midhat Bajramović)

GRADONAČELNIK
doc.dr. Hašim Mujanović